

四庫全書

經部

欽定四庫全書

經部

欽定周官義疏卷二十五

六

詳校官監察御史臣施朝幹

刑部郎中臣許兆椿覆勘

覆校官監丞臣侍朝

校對官監丞臣張曾炳

謄錄貢生臣張丹崑

欽定四庫全書

欽定周官義疏卷二十五

春官宗伯第三之九

大祝掌六祝之辭以事鬼神示祈福祥求永貞一曰順  
祝二曰年祝三曰吉祝四曰化祝五曰瑞祝六曰筴祝  
正義鄭氏康成曰永長也貞正也求多福歷年得正  
命也 王氏昭禹曰天所祐為福福所兆為祥

案先王望祀不求其福而周公之作祝辭乃以祈福

祥求永貞為義何也天之命哲命吉凶命歷年皆視人君之所服行使王對越天地宗廟百神凜然懼於不終而知自求多福在常守正道則所以警王心而輔正其德者多矣

存疑鄭氏衆曰順祝順豐年也年祝求永貞也吉祝祈福祥也化祝彌災兵也瑞祝逆時雨寧風旱也筴祝遠罪疾也

辨正劉氏彝曰先鄭以小祝小祭祀侯禳之事解六

辭非也大祝所祝皆大事也故郊祀天地社稷宗廟  
六享始用大祝之六辭 歐陽氏謙之曰年祝如祈  
穀於上帝與社稷瑞祝祥瑞之祝辭古人得祥瑞必  
歸功於神也

案年祝瑞祝歐陽氏謙之得之餘俱未安以義測之  
順祝天地宗廟之常祝也祭統備者百順之名禮運  
禮時為大順次之天地之祭宗廟之事順也年祝祈  
年之祝也吉祝如吉禮卜日之祝是也化祝天地有

異哉而祝其消化也瑞祝嘉祥見而告於天地宗廟也筴祝如金縢冊祝既祝而藏其冊者是也

掌六祈以同鬼神一曰類二曰造三曰禋四曰禴五

曰攻六曰說

造七報反禋戚古外反劉音會禴音詠說書悅反注故書造為寗杜子春讀為造書

亦為造

正義鄭氏康成曰祈嘯也謂為有災變號呼告於神

以求福

賈疏小祝職掌禱祠之祝號故知此六祈亦號呼以告神

天神人鬼地示

不和則六癘作見

賈疏案五行傳貌之不恭惟金沴木視之不明惟水沴火言之不從

惟火沴金聽之不聰惟土沴水思之不睿惟金木水火沴土五行而沴有六者除本五外來沴已則六彼云沴此云癘者沴有六則癘鬼作見故變沴而言癘故以祈禮同之杜子春云

造祭于祖也鄭司農云類造禋禋崇攻說皆祭名也類

祭于上帝禋日月星辰山川之祭也春秋傳日月星

辰之神則雪霜風雨之不時於是乎禋之山川之神

則水旱癘疫之災於是乎禋之賈疏見昭元年左傳某謂類造

加誠肅求如志禋禋告之以時有災變也賈疏禋是除去之意

故知為災變攻說則以辭責之禋如日食以朱絲繫社賈疏

莊二十五年六月辛未朔日有食之鼓用牲於社求乎陰之道也  
羊傳曰有食之則曷為鼓用牲於社求乎陰之道也  
以朱絲縈社或曰脅之或曰為闔恐人犯攻如其鳴  
之故縈之何休云朱絲縈之助陽抑陰也

鼓然董仲舒救日食祝曰炤炤大明熾滅無光柰何

以陰侵陽以卑侵尊是之謂說也禴未聞焉類造禴

縈皆有牲攻說用幣而已

賈疏攻說是日食伐鼓之屬天災有幣無牲故知用

幣類禮亦天災得有牲者灾始見時有幣無牲及灾  
成之後即有牲故詩云靡愛斯牲案攻說以責神

無為用牲而仍用幣者以禮  
責之亦不可不致其肅敬

王氏昭禹曰鬼神聰明

正直依人而行聖人與鬼神合其吉凶大祝之六祈



所以陳信於鬼神而祈其與人同也虞書類于上帝  
王制天子將出造於禰禴若禴國之凶荒民之札喪  
之屬禴若春秋祭禴之屬攻以治去其害若翦氏以  
攻崇攻之之屬以辭責之之謂說若庶氏以攻說禴  
之之屬皆以與民同吉凶之患 項氏安世曰六祝  
以求福六祈所以禳禍 劉氏彝曰六祝因祭享  
而祝之六祈則因事特祭而祈之

案鬼神不與人同心災厲乃見故以祈禮同之非時

而祭上帝曰類非時而祭祖禰曰造攻如救日伐鼓以兵之類說謂以辭責之如變置社稷必責以辭存疑鄭氏衆曰詩曰是類是禡爾雅曰是類是禡師祭也大師造于祖司馬法曰乃造於先王

辨正賈氏公彥曰先鄭引詩及爾雅以證此類造為出軍之祭後鄭不從者此經六祈皆為鬼神不和同不得以出軍之禮解

案大師大會同之類造後皆特見故知此類造乃以

同鬼神示祈消災變而所用之事異也

作六辭以通上下親疏遠近一曰祠二曰命三曰誥四

曰會五曰禱六曰誅

會如字

正義鄭氏鍔曰命如命龜之命記曰假爾泰龜有常  
假爾泰筮有常是乃所以命之也杜氏子春曰誥

當為告書亦或為告毛氏應龍曰告如武成告于

皇天后土金縢乃告大王王季文王是也鄭氏康

成曰會謂會同盟誓之辭鄭氏衆曰禱謂禱於天

地社稷宗廟春秋傳鉞之戰衛太子禱曰曾孫蒯瞶

敢昭告皇祖文王烈祖康叔文祖襄公

賈疏見哀二年左傳

若

此之屬誅謂積累生時德行以錫之命春秋傳孔子

卒哀公誅之曰閔天不淑不憇遺一老俾屏余一人

以在位嬛嬛予在疚嗚呼哀哉尼父無自律

賈疏見哀十六

年左傳或曰論語所謂誅曰禱爾於上下神祇

案六祝之辭典祀所常用也此作六辭因事而特告也上下天神地祇也親疎由禰至親盡也遠近四望

五祀之類祠因事舉祭告神之祝辭也誥會亦質神之辭誥者尚書逸祝冊告周公其後是也會者昭衆神而要言春秋傳所謂司慎司盟名山名川羣神羣祀先王先公七姓十二國之祖明神殛之是也誅者至於南郊稱天而誅之

存疑鄭氏衆曰祠當為辭謂辭令也命論語所謂為命誥謂康誥盤庚之誥之屬會謂王官之伯命事於會

辨正王氏應電曰六辭皆告於鬼神亦故大祝主之  
曰誥曰命曰禱人事雖亦有之然策命掌於內史誓  
誥掌於士師非大祝職也

辨六號一曰神號二曰鬼號三曰示號四曰牲號五曰  
齎號六曰幣號

正義鄭氏康成曰號謂尊其名更為美稱焉神號若  
云皇天上帝鬼號若云皇祖伯某

賈疏少牢特牲禮  
祝辭稱皇祖伯某

示號若云后土地示

賈疏僖十五年左傳  
君履后土而戴皇天

幣號若玉

云嘉玉幣云量幣

賈疏曲禮文經無玉號注兼言玉者案小行人合六幣圭以馬璋以

皮玉得與幣同號故兼言之

鄭氏衆曰牲號謂犧牲名號曲禮

牛曰一元大武豕曰剛鬣羊曰柔毛雞曰翰音鴈號

謂黍稷名號曲禮黍曰薌合梁曰薌其稻曰嘉蔬少

牢饋食禮敢用柔毛剛鬣士虞禮敢用潔牲剛鬣香

合

辨九祭一曰命祭二曰衍祭三曰炮祭四曰周祭五曰

振祭六曰擣祭七曰絕祭八曰繚祭九曰共祭

衍讀作延炮讀

作包百交反劉白交反孺  
如泉反繚音了共供同

正義鄭氏衆曰孺祭以肝肺菹孺鹽醢中以祭也

賈疏

案特牲少牢墮祭之時皆以菹孺醢中以祭主人獻  
尸時賓長以肝從尸以肝孺鹽中以祭彼無云用肺

孺鹽醢中此  
連引之耳 繚祭以手從持肺本循之至於末乃絕

以祭也

賈疏此據鄉飲酒言

絕祭不循其本直絕肺以祭也重

肺賤肝故初祭絕肺以祭謂之絕祭鄉射禮取肺坐

絕祭鄉飲酒禮右取肺卻左手執本坐弗繚右絕末

以祭少牢取肝孺於鹽振祭 鄭氏康成曰九祭皆



謂祭食者命祭者玉藻君若賜之食而君客之則命

之祭然後祭是也衍當為延炮當為包聲之誤也延

祭者曲禮客若降等執食興辭主人興辭於客然後

客坐主人延客祭是也包猶兼也兼祭者有司徹宰

夫贊者取白黑以授尸

賈疏有司徹注白謂稻黑謂黍

尸受兼祭於

豆祭是也周猶徧也徧祭者曲禮殽之序徧祭之是

也

賈疏凡祭者皆盛主人之饌故所設殽羞次第徧祭按公食大夫禮惟魚腊酒醬不祭以其薄故也

其餘皆祭故振祭擣祭本同

賈疏振祭擣祭本同者皆擣但振者先擣復振

擣者不振**不食者擣則祭之**

賈疏特牲少牢皆有按祭按祭在未食之前以菹擣於醢

祭於豆間是不將食者既擣必振乃祭也

賈疏特牲少牢皆有

主人獻尸賓長以肝從尸右取肝擣於鹽振祭齊之是將食者既擣必振乃祭也

**絕祭繚祭**

**亦本同**

賈疏同者絕之但絕者不繚繚者亦絕故云本同

**禮多者繚之**

賈疏據鄉

飲酒禮即先鄭所引

**禮畧者絕則祭之**

賈疏即先鄭所引鄉射禮

取肺坐絕祭是也

**共猶授也王祭食宰夫授祭**

賈疏膳夫職王祭食則授

言宰夫者據諸侯是宰夫

先鄭以周祭已上皆為祭鬼神之事振祭已下皆為生人祭食之禮後鄭不

從者生人祭食不合與鬼神同科故皆以為生人祭食法

案注義皆引經以證之是已今更推廣之男巫望衍  
有招以茅則衍可為延也包之言兼則間傳輕者包  
重者特是也命祭延祭見於玉藻曲禮又士虞禮祝  
命佐食綏祭特牲饋食禮尸坐祝命綏祭亦命祭也  
兼祭見於特牲少牢而公食大夫禮亦兼祭庶羞徧  
祭見於曲禮而少牢十一飯所舉皆祭無不徧也少  
牢二佐食次第取敦實俎實以授尸亦是共祭但士  
虞特牲及少牢禮舉幹舉肩言振祭而不言擣是振

原有不孺者注專以肝之既孺復振言似未盡又肺有二種曰祭肺曰舉肺祭肺則已絕者直祭之而已舉肺則少儀所云三牲之肺離而不提心者必繚而絕之乃可以祭絕祭繚祭之別蓋在於此非禮多禮畧之謂而鄉飲鄉射皆言祭舉肺之灋亦未見其有異也

辨九擗一曰喏首二曰頓首三曰空首四曰振動五曰吉擗六曰凶擗七曰奇擗八曰褒擗九曰肅擗以享右

祭祀

據古拜字韻音啟本又作稽奇居宜反寢音報右讀為猶

正義鄭氏康成曰稽首拜頭至地也頓首拜頭叩地

也空首拜頭至手所謂拜手也

賈疏稽首頓首空首三者相因而為之空

首者先以兩手拱至地乃頭至手以頭不至地故名空首為空首之時引頭至地首頓地即舉故名頓首

頭稽留至地多時則為稽首

吉拜拜而後稽顙謂齊衰不杖以下

者

賈疏稽顙還是頓首但觸地無容耳齊衰已下喪拜而云吉者以杖齊衰入凶拜中也雜記父在為

妻不杖不稽顙明知父歿為妻杖而稽顙是以知此吉拜謂齊衰不杖已下

言吉者此殷

之凶拜周以其拜與頓首相近故謂之吉拜也凶拜

稽顙而後拜謂三年服者

賈疏擯弓拜而後稽顙顙乎其順也稽顙而后拜顙

乎其至也雜記三年之喪以其喪拜非三年之喪以吉拜雜記父在為妻不杖不稽顙蓋適子妻喪父為主故不稽顙則衆子為妻父在亦稽顙注不云衆子當稽顙者據雜記成文鄭大夫云奇

拜謂一拜也褻讀為報報拜再拜也鄭司農云肅拜

但俯下手今時擗是也

賈疏鄉飲酒禮賓客入門有擗入門之法推手曰揖引手

曰介者不拜故曰為事故敢肅使者

賈疏成公十六年左傳晉楚戰

於鄢陵楚子使工尹襄問郤至以弓郤至見客免胄承命云不敢拜命三肅使者而退是軍中有肅拜法

某謂振動戰栗變動之拜一拜答臣下拜

賈疏此據祭祀若燕

禮則君答臣有再拜

再拜拜神與尸

賈疏案特牲禮祝酌奠於劍南主人再拜祝在左此

再拜於神也再拜於尸謂獻尸尸拜受主人拜送是也天子諸侯亦當然

賈氏公彥曰

九拜之中稽首頓首空首肅拜是正拜餘五者逐事生名還依四者正拜為之稽首拜中最重臣拜君之拜頓首平敵自相拜之拜空首君答臣下之拜知者案哀公十七年左傳公會齊侯盟於蒙孟武伯相齊侯稽首公則拜齊人怒武伯曰非天子寡君無所稽首襄公三年左傳公如晉孟獻子相公稽首知武子

曰天子在而君辱稽首寡君懼矣郊特牲大夫之臣不稽首非尊家臣以辟君也君拜臣下當空首其有敬事亦稽首洛誥成王拜手稽首以答周公是也肅拜最輕惟軍中有此婦人則以肅拜為正 易氏祓曰荀卿云平衡曰拜下衡曰稽首禮非至尊不稽首喪非至哀不稽顙然君亦有稽首於其臣者太甲之於伊尹成王之於周公尊師道也大夫士有非其君而稽首者儀禮君勞賓若介皆再拜稽首尊主君也



其次則頓首晉穆嬴頓首於趙宣子魯季平子頓首  
於叔孫則敵已下皆用之振動蓋施於事變之不常  
者耳吉拜致敬凶拜則致哀也奇拜者鄉飲射聘士  
相見凡禮之殺者皆一拜是也褒拜者特牲少牢饗  
神與受尸嘏則再拜是也肅拜者但俯其手而肅之  
少儀婦人雖君賜肅拜是也享獻也謂朝獻饋獻右  
讀為侑侑勸尸食而拜

賈疏特牲禮尸食祝侑主  
人拜故知侑尸時有拜

案古人之拱兩手皆不平故有尚左尚右之異凡男

拜尚左手女拜尚右手則拜者下一手先至地而上  
一手後至乃交也喪拜則男子尚右手婦人尚左手  
檀弓言拜而后稽顙稽顙而后拜有此二法而聖人  
云吾從其至者則凶拜當先稽顙后拜矣然士喪禮  
及喪大記皆云拜稽顙無言稽顙拜者則聖人所欲  
從者蓋非常時之達禮也雜記云三年之喪以其喪  
拜非三年者以吉拜與此經凶拜吉拜一也以其喪  
拜謂稽顙也以吉拜謂不稽顙也如婦主舅姑之喪

與凡男婦之攝主皆吉拜不稽顙喪服小記雜記皆足以徵之吉拜不稽顙則唯男子尚右手女子尚左手以是異於祭祀賓嘉諸禮之拜而已注但據一隅而於他經未合故論之經云享右祭祀舉其重者爾其實五禮皆該焉

凡大禋祀肆享祭亦則執明水火而號祝

注故書示為禋杜子春云

禘當為亦

正義鄭氏康成曰明水火司烜所共日月之氣以給

烝享

賈疏司烜職以夫遂取明火於日以鑒取明水於月雖不云氣然由日月之氣所照得之故以

氣言執之而以六號祝明此圭潔也賈疏明主人圭潔之德禋祀

祭天神也肆享祭宗廟也 劉氏敞曰大禋祀祀天

圜丘肆享宗廟大禘祫祭示祭地方澤

案號祝舉神示之號以祝也號如皇天上帝皇祖后

稷之類特牲禮曰皇祖某子少牢禮曰皇祖伯某亦

是

隋覺逆牲逆尸令鍾鼓右亦如之

隋許規反

正義鄭氏康成曰凡血祭曰釁

賈疏血祭之中含上三祀但天地薦血於

座前宗廟即血以告殺

既隋釁後言逆牲容逆鼎

賈疏凡祭祀之法先逆牲

後隋釁令隋釁在前逆牲在後者以其鼎在門外薦血後乃燂熟逆鼎而入故云容逆鼎知鼎在門外者

按中雷禮竈在廟門外之東主人迎鼎

右讀亦當為侑

案隋當為隋祭隋釁與侑皆令鍾鼓大祝先令之大司樂承而令之此節經文疑有訛倒

通論陳氏暘曰逆牲逆尸之時令奏昭夏肆夏者大司樂其令以鍾鼓奏之者大祝也

來瞽令皋舞相尸禮既祭令徹

皋讀作皋戶高反劉  
戶報反相息亮反

正義鄭氏康成曰皋讀為卒嗥呼之嗥

賈疏此  
依俗讀

來嗥

者皆謂呼之入相尸者延其出入詔其坐作

賈疏出  
入者謂

祭初延之入二裸訖退出坐於堂上南面朝踐饋獻  
訖又延之入室坐作者郊特牲云詔祀於室坐尸於  
堂饋獻訖人入室坐凡坐皆有作  
及與主人答拜皆有坐作之事

賈氏公彥曰舞

謂學子舞人祭訖尸謾後大祝命徹祭器

案歌與舞必依祭節故大祝告以樂入之節而後樂

師詔來瞽大祝告以舞之節而後樂師詔皋舞也

大喪始崩以肆鬯溲尸相飯贊斂徹奠

溲綿里反相息亮反飯扶晚反

斂力  
驗反

正義鄭氏康成曰肆鬯陳尸設鬯也

鄭氏衆曰溲

尸以鬯浴尸

賈氏公彥曰浴訖即飯含故言相飯

不言相含者大宰贊贈玉含玉故也贊斂者冬官主

斂事大祝贊之

案大溲小宗伯大祝皆掌之然小宗伯職曰大肆以

秬鬯溲則治其禮之辭也此職曰以秬鬯溲尸則親

其事之辭也又小祝以同官而贊溷則親其事者非  
小宗伯益明矣小宗伯職曰大肆則當以陳尸及  
浴器言此曰以肆鬯溷尸則肆專言浴器曰徹曰  
奠徹而又奠也自始死之奠以及襲奠小斂大斂奠  
拜朝夕之奠皆徹前奠而後陳新奠其徹與奠竝大  
祝為之

言向人讀禱付練祥掌國事

付音  
衽

正義鄭氏康成曰言猶語也禱六辭之屬禱也

賈疏  
六辭



之中五  
曰禱

甸人喪事代王受青災大祝為禱辭語之使

以禱於藉田之神也付當為祔祭於先王以祔後死

者

賈疏喪服小記祔必以其昭穆先王祖也

掌國事辨護之

賈疏辨護者供時用相禮

儀

賈氏公彥曰祔謂虞卒哭後祔祭於祖廟練謂

十三月小祥練祭祥謂二十五月大祥除衰杖三者

皆國事 朱子曰祔於祖者以廟制昭穆相對將來

遷廟則以新死者安於祖廟所以設祔祭豫告使死

者知其將來安於此位亦令其祖知將來移上而孫

來居此位也 方祔祭時是告其祖以將遷他廟告  
新死者以將入祖廟之意已祭則主復於寢至三年  
之喪畢則又祫祭而遷祖父之主以入他廟奉新死  
者之主以入祖廟則祔與遷自是兩事也

國有大故天裁彌祀社稷禱祠

正義鄭氏康成曰大故兵寇也天裁疫癘水旱也彌

猶徧也徧祀社稷及諸所禱

賈疏小祀彌裁兵注以  
彌為安此彌為徧者禱

祠之事靡神不舉  
故以彌為徧也

既則祠之以報焉

賈氏公彥曰

始為曰禱得求曰祠

大師宜于社造于祖設軍社類上帝國將有事于四望  
及軍歸獻于社則前祝

正義鄭氏衆曰設軍社春秋傳所謂君以師行祓社

釁鼓祝奉以從者也

賈疏見定公四年左傳

鄭氏康成曰前

祝者王出也歸也將有事於此神大祝居前先以祝

辭告之 賈氏公彥曰有事於四望謂軍行所過山

川造祭乃過軍歸獻捷於社皆大祝前辭

案前四事皆君舉而祝從惟至所征之地將有事於四望及軍歸獻社則大祝獨前行致告也曰國將有事者君不親也知然者宗伯職有司將事於四望則君不親明矣下經過大山川則用事焉君親之也故異文焉小宗伯帥有司而立軍社奉主車軍社則大祝設之主車則肆師奉之小宗伯帥之而已用師之地未必正當四望小宗伯職有司將事於四望謂大祝與肆師也祭兵於山川肆師為位則大祝前

祝繼之以將事者必肆師明矣

大會同造于廟宜于社過大山川則用事焉反行舍奠

舍請作釋  
一音赦

正義鄭氏康成曰用事亦用祭事告行也玉人職有  
宗祝以黃金勺前馬之禮是謂過大山川與曾子問  
凡告必用牲幣反亦如之賈氏公彥曰曲禮出必  
告反必面生時人子出入之法今王出行時造於廟  
反行則還奠七廟也非時而祭曰奠堯典歸格于藝

祖王制歸假于祖禰用特 陳氏祥道曰釋奠者設薦饌酌奠而已無迎尸以下事

案據此則大會同不專在王國之外而王亦往就羣侯而會焉足以明之矣

建邦國先告后土用牲幣

正義鄭氏康成曰后土社神也 賈氏公彥曰雖告祭非常有牲有幣禮動不虛故也

通論王氏昭禹曰大宗伯王大封先告后土不言用

牲幣而於大祝見之者以大祝辨牲幣之號也

禁督逆祀命者

正義鄭氏康成曰督正也正王之所命諸侯之所祀

賈疏承上建邦國故知據諸侯

有逆者則刑罰焉

賈疏告上治之

王氏安

石曰命之祀而弗祀非所命而祀皆謂之逆祀命

王氏昭禹曰非所命而祀則在所禁命之祀而弗祀則在所督也

頒祭號于邦國都鄙

正義鄭氏康成曰祭號六號

賈疏六號中兼有天地諸侯不得祭天地而云

六號據上成文而言

王氏安石曰頒其所得用之祭號

通論易氏祓曰此皆所以贊大宗伯也大宗伯告后土大祝辨牲幣之號則為之用牲幣大宗伯頒祀於邦國都家大祝辨鬼神祔之號則為之禁督逆祀命者

小祝掌小祭祀將事侯禳禱祠之祝號以祈福祥順豐年逆時雨寧風旱彌裁兵遠臯疾

彌注讀作救綿以反遠於願反



正義鄭氏康成曰侯之言候也候嘉慶祈福祥之屬

賈疏祈福祥三者皆是候

禳禳卻凶咎寧風旱之屬

賈疏寧風旱三者皆是禳

逆迎也彌讀曰救救安也 賈氏公彥曰求福謂之

禱報賽謂之祠 劉氏彝曰天地宗廟日月星辰社

稷而外當祭祀之者皆小祝所掌也

案將事謂將號祝之事如下文也大祭祀則大祝將事此互文亦省文 周官於侯禳禱祠之事甚詳蓋人心冥頑惟遇疾病裁危窮而反本易警發其善心

故聖人因侯禳禱祠使恐懼脩省以思救政則所益多矣 豐穰之後仍祈有年是之謂順旱則多風以雲氣將族風輒散之風寧然後雨可降旱可寧也春秋傳若之何憂猶未弭又欲弭諸侯之兵止息之義也男巫職招弭以除疾病注讀彌弭為救豈彌弭救古皆可通與

大祭祀逆齋盛送逆尸沃尸盥

正義王氏應電曰記曰尸在廟門外則疑於臣在廟

中則全於君君在廟門外則疑於君入廟門則全於臣全於子故君迎牲而不迎尸送逆尸皆小祝主之賈氏公彥曰沃尸盥者尸尊不就洗按特牲少牢尸入廟門盥於盤其時小祝沃水也

案小宗伯所逆者未炊之盥小祝所逆者則已孰而實於簠簋者也舍人實而陳於西堂之上小祝自堂下逆而升之疏謂小祝薦盥盛於神座前非也特

牲禮黍稷始陳於西堂則舍人奉粢盛入廟亦宜陳

於西堂少牢禮佐食設俎後主婦自東房執一金敦  
黍設於室中則后宜自房中出九嬪一人取一玉盥  
於西堂以授后而入設其餘則九嬪贊后外宗贊九  
嬪以次授受而后皆親設焉如后不與則大宗伯攝  
也其大神大元則大宗伯奉之而小宗伯佐之王  
氏昭禹易氏祓皆謂盥盛輕於牲故大祝迎牲小祝  
迎盛王氏又證以六官奉牲六官奉盥皆非也王親  
射牲故六官奉之后親羞盥故六官共之事分內外

非有輕重比類以求之同是尸也二祝同逆而送者  
惟小祝豈得謂送輕於逆乎蓋大祝事多有所不暇  
故小祝各共之耳

贊隋

隋許  
規反

正義鄭氏康成曰隋尸之祭也 賈氏公彥曰贊隋  
者特牲少牢尸始入室拜妥尸尸隋祭以韭菹孺於  
醢祭於豆間其時小祝贊尸以授之

贊徹贊奠

案此四字當在大喪贊澠之下簡錯在此大喪之奠與徹大祝掌之小祝竝贊之也

凡事佐大祝

正義鄭氏康成曰惟大祝所有事 賈氏公彥曰佐大祝不在職末言之者見自此以上佐大祝自此以下惟贊澠佐大祝設熬以下小祝專行

大喪贊澠設熬置銘

注故書澠為攝杜子春云當為澠銘今書或作名

正義杜氏子春曰澠謂浴尸 鄭氏康成曰熬者棺

既蓋設於其旁所以惑蚍蜉也

賈疏熬謂熬穀

喪大記熬君

四種八筐

賈疏黍稷稻粱各二

大夫三種六筐

賈疏黍稷粱各二

士二

種四筐加魚腊馬

賈疏加魚腊君大夫士同

士喪禮熬黍稷各二

筐有魚腊饌於西坵南

賈疏坵在堂西南隅此據未用時加之蓋後設於棺旁

又曰設熬旁一筐乃塗

賈疏士旁各一筐首足各一筐大夫旁各二筐首足各一

筐君左右各二筐首足各二筐

杜氏子春曰檀弓銘明旌也以死

者為不可別故以其旗識之愛之斯錄之矣敬之斯

盡其道焉爾

鄭氏衆曰銘書死者名於旌士喪禮

為銘各以其物

賈疏其物謂生時旌旗士喪禮注王建大常諸侯建旗孤卿建纛大夫士

建亡則以緇長半幅纁末

賈疏亡無也生時無旌旗子男之士不命是也故用

緇長半幅爾雅一八赤汁謂之緇再入謂之纁纁赤色繪也

長終幅廣三寸書名

於末曰某氏某之匱

賈疏喪服小記天子諸侯大夫書名並與士同竹杠長

三尺置于宇西階上

賈疏始死即作銘倚於重木殯訖置于西階上屋宇下

置于中庭

賈疏始死以木為重葬後作木主

參分庭一在南粥餘飯

賈疏飯米之

盛以二鬲縣於重簾用葦席取銘置於

重

賈疏謂未殯以前殯訖則置於西階上是也



案小宗伯肆師鬱人鬯人大祝小祝皆掌大喪之泚  
而其文各異何也大喪兼王后世子而鬯乃所以事  
天神地祇人鬼惟王主鬯故喪浴用之而后世子不  
得用也小宗伯職特言王崩大肆以秬鬯泚明自王  
以外泚皆不得用鬯也肆師職曰大喪大泚以鬯則  
築鬻明泚不以鬯則雖大喪不共築鬻也鬱人職曰  
大喪之泚共其肆器則知后世子之泚不得用鬯矣  
鬯人職曰大喪之大泚共其釁鬯則知非王之泚不

得稱大而釁尸不以鬯矣大祝職曰大喪始崩以肆  
鬯溲尸則知此職之大喪專謂王而不兼后世子矣

世子不得稱崩后之喪浴女御掌之小祝職曰大喪贊溲則知世子之

溲亦大祝親之而小祝贊之矣大祝之特言崩與小  
宗伯同以王之喪浴大祝親其事而小宗伯治其禮  
也小祝不稱大溲與鬻人同明溲不以鬯不得稱大  
而世子之溲兼掌於祝亦見矣

及葬設道齋之奠分禱五祀

齋音咨

正義鄭氏康成曰齋猶送也送道之奠謂遣奠也

賈疏

既夕禮祖廟之庭厥明設大遣奠包牲取下體是也分禱五祀告王去此宮中

不復反故興祭祀也 賈氏公彥曰月令春祀戶夏

祀竈季夏祀中霤秋祀門冬祀行出入亦宜告之祭

法王七祀中有司命大厲月令不祭此亦不祭可知

存疑鄭氏康成曰分其牲體以祭五祀

案生人行道必有齋故於葬曰道齋之奠分禱謂遣

人分祭若以遣奠餘牲則幾於慢矣未必然

辨正賈氏公彥曰杜子春讀齋為粢以為道中祭後  
鄭不從者既夕禮道中無祭法

大師掌釁祈號祝

正義鄭氏衆曰釁謂釁鼓也春秋傳君以軍行祓社

釁鼓祝奉以從

賈疏定公四年  
左傳祝佗辭

有寇戎之事則保郊祀于社

注故書祀或作禋杜子  
春讀為祀書亦或為祀

正義鄭氏康成曰保祀互文郊社皆守而祀之彌裁

兵鄭氏鍔曰四郊兆域皆神之所處人心不安神

或失所依故就其所保而守之以安神也社則國內  
但祀以彌裁兵可也

凡外內小祭祀小喪紀小會同小軍旅掌事焉

正義賈氏公彥曰林澤四方百物是外小祭祀內小  
祀則宮中七祀等小喪紀謂王后以下之喪小會同  
謂諸侯遣臣來王使卿大夫與之行會同之禮小軍  
旅謂王不自行遣卿大夫征伐 易氏祓曰此皆謂  
祀號之事

案小會同謂殷頰

喪祝掌大喪勸防之事

防扶方反

正義鄭氏康成曰勸猶倡率前引者

賈疏即下經御也謂執纛居

匯路前却行左右車脚有高下則以纛詔告執披者

防謂執披備傾戲

賈疏使持制之

不至傾戲司士作六軍之士執披故以執披解防案戲音虧傾側也

辨正賈氏公彥曰先鄭以勸防為引匯後鄭不從者

天子十人執六引在匯車前防謂披在匯車旁備傾

戲二者不得為一

及辟令啟

辟音闕

正義鄭氏衆曰辟謂除敢塗椁也令啟謂喪祝主命

役人開之也

賈疏天子七日殯殯時以椁敢塗其棺葬命役人開之

檀弓天子

之殯也敢塗龍輅以椁

毛氏應龍曰敢聚也殯時聚木蓋櫬而塗之

加斧

於椁上畢塗屋天子之禮也

賈疏天子諸侯殯用輅車天子畫轅為龍先置

龍輅於西階之上又置四重棺於輅車之中大斂於阼階訖奉尸入棺加蓋乃置熬於棺旁乃於椁攬其

四面與棺平乃加斧以覆棺上更加之以椁材乃畢塗之如四面雷屋斧者案檀弓布幕衛綃幕魯布幕

諸侯法綃幕天子禮刺以黼文形如大斧

及朝御匱乃奠

朝直遙反  
匱古樞字

正義鄭氏康成曰鄭司農云朝謂將葬朝於祖考之廟而後行則喪祝為御匱也檀弓喪之朝也順死者之孝心也其哀離其室也故至於祖考之廟而後行

殷朝而殯于祖周朝而遂葬

賈疏殷人始死斂訖即以匱朝廟而殯焉周人

殯於路寢華時朝  
廟先禘而後祖

某謂乃奠謂朝廟奠

賈氏公彥

曰御匱者發殯宮輜車載至廟喪祝執纛居前以御按既夕禮朝廟之時重先奠從燭從匱從彼奠昨夜



夕奠至廟正棺於廟兩楹之間棺西設此宿奠至明徹去宿奠乃設此朝廟之奠於匱西

餘論賈氏公彥曰趙商問周朝而遂葬則是殯於宮  
葬乃朝廟按僖公三十二年左傳晉文公殯於曲沃  
是為去絳就祖殯與禮記異康成答曰周之正禮未  
世何能同傳不合不得難經案既夕禮將葬遷於祖  
用軸乃周公正經

案曾子問王崩祝取羣廟之主藏於祖廟卒哭成事

而後主各反其廟疏謂以次朝七廟廟各一宿非也  
當以曾子問為正詳見既夕禮經記

及祖飾棺乃載遂御

正義鄭氏康成曰鄭司農云祖謂將葬祖於庭象生  
時出則祖也故曰事死如事生禮也檀弓飯于牖下  
小斂于戶內大斂于阼殯于客位祖于庭葬于墓所  
以即遠也祖時喪祝主飾棺乃載遂御之喪祝為匱  
車御也某謂祖為行始飾棺設柳池紐之屬

賈疏此  
喪大記

文柳者諸飾所聚惟荒之屬是也  
紐者君三池纁紐六之屬是也

其序載而後飾既

飾當還車鄉外喪祝御之御之者執翽居前卻行為

節度

案載與飾棺皆葬前一日事下文及葬御匱乃御以  
出宮故注知此為還車之御也載在飾棺之前而倒  
言之者與下遂御之文相承接其義乃顯也疏據既  
夕禮注謂遂匠納車於階間士禮也大喪則納之者  
匠師與鄉師職與匠師御匱治役及窆執斧以泣匠

師

及葬御匱出宮乃代

正義鄭氏康成曰喪祝二人相與更也

賈氏公彥

曰謂於祖廟厥明大奠後引匱車出也

及壙說載除飾小喪亦如之

說吐活反

正義鄭氏康成曰鄭司農云壙謂穿中也說載下棺

也除飾去棺飾也

賈疏除去帷荒下棺於坎說其帷荒還入壙張之於棺

四跽

之屬

賈疏喪大記及禮器天子八跽則此四宜作八

令可舉移安錯之某謂

除飾使其窆爾周人之葬牆置跽

賈疏檀弓殷人棺槨周人牆置嬰牆

謂帷荒與匱為郭若牆然言置嬰者嬰在道匱車旁人執之入墻置之於槨旁

賈氏公彥

曰說載說去車與披及引之等除飾解去帷荒池紐之等小喪王后世子已下之喪自掌勸防已下至除飾皆同故曰亦如之 敖氏繼公曰此禮當先除飾乃說載

案周官於喪紀多獨舉大喪故於喪祝職備舉大喪所有事而繫以小喪亦如之以示凡喪紀事有必舉

物有必共者皆通乎小喪以為他職獨舉大喪而不  
及小喪之通例也於末舉卿大夫之喪以見稱小喪  
者事在王宮也 諸職所列飯米熬穀茶葦薪蒸木  
材之類皆統言喪事以其物乃貴賤所通用也衣服  
含贈溯釁銘旌窆器樂器之類尊卑有度則多舉大  
喪而不及其餘蓋喪所必用不疑於小喪之不共而  
各有禮命故其事不必詳也相禮贊含贈泣斂屬引  
御匱序哭之類亦多舉大喪而共之者非一人或別

有所見大宰大喪贊含玉贈玉而小宰喪荒受其含  
祔幣玉之事則知大喪之外贊含贈者皆小宰矣大  
宗伯大喪為上相而小宗伯凡小禮掌事如大宗伯  
之儀則知小喪相禮者小宗伯矣小宗伯涖大斂小  
斂而肆師凡國之小事治其禮儀而掌其事如宗伯  
之禮則知小喪涖斂者肆師矣大喪大司徒屬鄉之  
六引鄉師帥其民而至遂治之遂人屬遂之六綽而  
遂師道野役抱磨則知大司徒所不親鄉師遂人遂

師各共其事矣宮中序哭世婦內宗外宗皆掌焉則兼掌小喪不待言矣

掌喪祭祀號

正義鄭氏康成曰喪祭虞也檀弓葬日虞不忍一日離也是日也以虞易奠卒哭曰成事是日也以吉祭

易喪祭

賈疏士虞禮始虞曰哀薦祫事再虞曰哀薦虞事三虞曰哀薦成事祭以吉為成

王弔則與巫前

正義鄭氏衆曰喪祝與巫以桃茢執戈在王前

賈疏桃者



鬼所惡蒍蒍所以埽不祥桃蒍二者祝與巫執之  
執戈者小臣也喪大記小臣二人執戈立於前二人  
立於後彼是諸檀弓君臨臣喪以巫祝桃蒍執戈惡  
侯法王弼亦然

之也所以異於生也春秋傳楚人使公親祔公使巫

以桃蒍先祔殯楚人弗禁既而悔之

賈疏襄二十九年左傳

掌勝國邑之社稷之祝號以祭祀禱祠焉

正義鄭氏康成曰勝國邑所誅討者社稷若亳社是

矣

賈疏武王伐紂取其社稷而事之據其地則曰亳社據彼國已亡則為亡國之社稷此國勝之則曰

勝國之社稷

存之者重神也蓋奄其上而棧其下

賈疏哀四年公

羊傳

為北牖

賈疏郊特牲文

賈氏公彥曰祭祀謂春秋正

祭禱祠謂有故祈請

王氏安石曰勝國邑之社稷

喪之類故喪祝掌其事

王氏應電曰謂勝國之社

稷或在國或在邑者民素禱祠而獲應故有祭祀禱祠以士師為之尸

餘論陳氏傳良曰古人作夏社忌子卯陳垂和之器皆警戒脩省之意也

凡卿大夫之喪掌事而斂飾棺焉

正義賈氏公彥曰掌事者雖禮有降殺勸防以下皆掌之兼主斂事故總云掌事而斂飾棺焉

案士喪禮有商祝夏祝周祝之名襲衾小大斂拂柩飾柩之事商祝主之淝米鬻餘飯徹奠進奠之事夏祝主之取銘之事周祝主之因其所共之殊以為名稱之別大抵皆公有司則皆喪祝也士尚如此則卿大夫可知職喪職凡公有司之所共職喪令之趣其事此其一也

甸祝掌四時之田表貉之祝號

甸音田貉讀作禡莫駕反

正義杜氏子春曰貉兵祭也甸以講武治兵故有兵

祭詩云是類是禡

賈疏詩大雅皇矣篇

爾雅曰是類是禡師祭

也鄭氏康成曰田者習兵故亦禡祭禱氣勢之十

百而多獲賈氏公彥曰四時之田謂蒐苗獮狩也

大司馬仲冬大閱既陳乃設驅逆之車有司表貉於

陳前其時甸祝為號

通論鄭氏鍔曰肆師掌為位甸祝掌其祝號

存疑陳氏祥道曰古人祭貉於立表之處無壇壝置

甲冑弓矢於神坐之側置稍於神坐之後故曰表貉

舍奠于祖廟禰亦如之

舍音釋下同

正義鄭氏康成曰舍讀為釋釋奠者告將時田若時

征伐

賈疏大祝大師大司馬皆造祖禰故兼言征伐

鄭氏衆曰禰父廟

賈氏公彥曰非時而祭曰奠不立尸奠之言停停饌

具而已七廟俱告故祖禰並言

師甸致禽于虞中乃屬禽及郊饁獸舍奠于祖禰乃斂

禽

句音田屬音燭  
饁于軌反

正義鄭氏康成曰師田謂起大衆以田也致禽于虞

中使獲者各以其禽來致於所表之處

賈疏田獵在山山虞植旗

田獵在澤澤虞植旗是所表之處也

屬禽別其種類饁饋也以所獲獸

饋於郊薦於四方羣兆

賈疏四郊皆有羣神之兆田獵還過羣兆故以禽薦之無

事入又以奠於祖禰薦且告反也

賈疏上經釋奠於祖禰謂出田此舍

奠在饁獸之下是告反也

斂禽謂取三十入腊人焉

賈疏案昭八年穀梁傳每

禽擇取三十王制一為乾豆二為賓客三為充君之庖腊人職掌凡田獸之脯腊以共乾豆王氏應電

曰不特入於腊人入於圉人服不氏以待不時而取皆是

禴牲禴馬皆掌其祝號

禴音誅一云與禱同

正義杜氏子春曰禴禱也為馬禱無疾為田禱多獲

禽牲詩云既伯既禱

案詩小雅吉日篇

爾雅曰既伯既禱馬

祭也鄭氏康成曰為牲祭求肥充為馬祭求肥健

詛祝掌盟詛類造攻說禴禴之祝號

詛阻豫反造說音俱見大祝

正義鄭氏康成曰八者之辭皆所以告神明也盟詛

主於要誓大事曰盟小事曰詛賈氏公彥曰盟者

盟將來春秋諸侯或因會而盟是也詛者詛往過不  
因會而為之 王氏安石曰於人則盟詛以要之於  
神則類造攻說禴禘以求之

案類造何以有詛兵祭也以所伐國之罪昭告大神  
且與同役者要言俾用命而無二心如春秋傳所載  
墜命亡氏踣其國家之類義近於詛故詛祝作其辭  
辨正鄭氏錡曰小人之情有不畏刑罰而畏鬼神者  
故為詛盟之法以待之荀卿曰盟詛不及三王是不



考周禮也堯之時苗民泯泯焚焚以覆詛盟則是三王前已有是事 毛氏應龍曰張子謂周官盟詛之類必末世增入者考書盟詛見於有苗之時詩亦曰出此三物以詛爾斯則盟詛乃詩書所有於周官何疑

通論賈氏公彥曰類造已下是大祝六祈大祝不掌祝號故詛祝掌之秋官別設司盟者司盟掌盟載之法亦不掌祝號與載辭

作盟詛之載辭以叙國之信用以質邦國之劑信

正義鄭氏康成曰載辭為辭而載之於策坎用牲加

書於其上也

賈疏哀二十六年左傳宋寺人伊戾坎用牲加書為世子痤偽與楚客盟國

謂王之國邦國諸侯國也質正也成也文王修德而

虞芮質厥成鄭司農云春秋傳使祝為載書

賈疏哀二十六年左

傳

賈氏公彥曰人多無信為辭對神要之使用信

故曰以叙國之信用邦國之劑謂要券對神成正之

使不犯

案信用者示所要之必用也叙者次其事之小大也叙國之信用如魯盟東門氏叔孫僑如之類質邦國之劑信如成王賜周公太公以盟之類

總論王氏應電曰大祝主達誠於鬼神之大者小祝主達誠於鬼神之小者若喪祝甸祝詛祝又各設官以分掌其事使大小祝得專致其寅清於天地宗廟之祀也

司巫掌羣巫之政令

正義王氏應電曰政令謂選擇其賢否及降神祈禱等事

若國大旱則帥巫而舞雩

正義董氏仲舒曰雩呼嗟以求雨也 鄭氏康成曰

雩旱祭也天子於上帝諸侯於上公之神

案定元年穀梁傳請

乎應上公

賈氏公彥曰帥巫謂帥女巫巫職旱暵則

舞雩月令大雩帝用盛樂命百縣雩祀百辟卿士有益於民者百縣謂畿內鄉遂明畿外諸侯亦雩祀可

知百辟卿士即古上公句龍柱棄等是也 鄭氏鶚

曰建午之月雩祀上帝者禮之正大旱而雩出於非常故帥羣巫而舞之

國有大災則帥巫而造巫恆

造鄭音皂依  
音七報反

正義杜氏子春曰司巫帥巫官之屬會聚常處以待命也 鄭氏康成曰恆久也巫久者先巫之故事造之當按視所施為

案二說皆可通而杜義稍長

祭祀則共匱主及道布及菹館

匱音丹菹子都反

正義鄭氏康成曰杜子春云菹讀為鉏藉也匱器名

主謂木主也某謂道布者為神所設巾中雷禮以功

布為道布屬於几是也菹之言藉也祭食有當藉者

館所以承菹若今筐也主先匱菹後館互言之者明

共主以匱共菹以筐大祝取其主菹陳之器則退也

賈疏以匱藏主以館藏菹向祭所俟大祝取主則以匱退取菹則以館退也

士虞禮苴刈

茅長五寸實於筐饌於西坵上

賈疏刈坵也堂西南隅謂之坵饌未用前

此陳於祝盥升取苴降洗之升入設於几東席上東縮

賈疏士虞禮設席於奧禮神東面右几故設於几東  
席上東縮縮從也據神東面為正東西設之故言東  
縮引之者見苴  
是藉祭之物  
王氏應電曰藉以藉祭酒

通論鄭氏齔曰主在廟則藏於石室謂之宗祏及合  
祭於大廟則以匱盛之藉者鄉師所謂共茅藉也盛  
藉名曰館者如館舍然謂茅託於其中也三者皆司  
巫所共以其與神交

凡祭祀守瘞

瘞於例反

正義鄭氏康成曰瘞謂若祭地祇有埋牲王者也

鄭氏

鋸曰禮記瘞埋於泰折祭地也宗廟中亦有瘞繒之類

守之者以祭禮未畢若

有事然祭禮畢則去之

賈疏祭地埋牲與禮祀同節作樂下神後即埋牲以後更

有祭祀之節事故使司巫守埋祭畢乃去之

### 凡喪事掌巫降之禮

正義鄭氏康成曰降下也巫下神之禮

賈疏人死骨肉下沈於地

精魂上歸於天天地與神人通故使巫下神

今世或死既斂就巫下楊其

遺禮



男巫掌望祀望衍授號有招以茅

衍音延

正義鄭氏康成曰衍讀為延聲之誤也望祀謂有牲

粢盛者延進也謂但用幣致其神二者詛祝所授類

造攻說禴禜之神號男巫為之招

賈疏男巫於他官祭此時則以茅

招之於四方也

賈氏公彥曰望祀者類造禴禜遙望而祝

之望衍者攻說之禮遙望延其神以言語責之杜

氏子春曰授號以所祭之名號授之鄭氏錡曰神

來無方招之亦非一方故曰有招

冬堂贈無方無算

注故書贈為贈杜  
子春云當為贈

正義鄭氏康成曰冬歲終以禮送不祥及惡夢昏是

也

賈疏占夢職舍萌  
於四方以贈惡夢

行必由堂始巫與神通言當東

則東當西則西可近則近可遠則遠無常數 杜氏

子春曰無算道里無數遠益善也

辨正賈氏公彥曰子春以堂贈為逐疫後鄭不從者

逐疫乃方相氏及占夢之職也

春招弭以除疾病

弭注讀如救  
杜讀如彌

正義鄭氏康成曰招招福也招弭皆有祀行之禮

杜氏子春曰弭讀如彌兵之彌

王弔則與祝前

注故書前為先鄭司農云先非是

正義鄭氏康成曰巫祝前王 賈氏公彥曰喪祝職

王弔則與巫前 李氏嘉會曰王弔祝當往巫亦與

焉者祝以辭巫則以挑蒯除不祥也

女巫掌歲時祓除釁浴

正義鄭氏康成曰歲時祓除如今三月上巳如水上

之類釁浴謂以香薰草藥沐浴 鄭氏鍔曰祓除釁  
浴蓋宮中之事

旱暵則舞雩

正義鄭氏衆曰求雨以女巫故檀弓記歲旱繆公召  
縣子而問焉曰吾欲暴巫而奚若曰天則不雨而望  
之愚婦人無乃已疏乎 賈氏公彥曰此謂五月已  
後脩雩暵謂熱氣

存疑鄭氏康成曰使女巫舞旱祭崇陰也

王氏應電曰按古者

雩於北郊崇於南郊漢制雩衣皂崇衣朱各異其物  
董仲舒傳求雨開諸陰門閉諸陽門求晴反是皆此  
道也

若王后弔則與祝前

正義鄭氏康成曰女巫與祝前后如王禮 賈氏公

彥曰與天官女祝前后

凡邦之大哉歌哭而請

正義鄭氏康成曰有歌者有哭者冀以悲哀感神靈  
也

總論孫氏之宏曰祠祀禋禋本天道之不可測人心所不能已者後世儒者乃欲一切去之不知其不容強禁也聖人設立巫祝領以禮官則非其鬼而祭之者自絕矣

欽定周官義疏卷二十五

欽定四庫全書

欽定周官義疏卷二十六

春官宗伯第三之十

大史掌建邦之六典以逆邦國之治掌灋以逆官府之治掌則以逆都鄙之治

正義鄭氏康成曰典則亦法也

賈疏大宰注典法則所用異異其名其實

典則與法一也

逆迎也六典八法八則冢宰所建以治百官

大史又建焉以為王迎受其治也大史日官也

案曰建者廢舉損益得與大宰共酌定也法則不言  
建該於六典也大史明於天道達於先聖之舊典  
累朝之故事故凡禮典之因時損益及五官和布於  
正月者皆得與大宰酌定既掌建典又逆其治則邦  
國都鄙官府之治成達於六官者皆別達於大史以  
聽鈎考可知矣本職於約劑則貳六官司民所獻民  
數則與冢宰司會同貳天府惟建典不言貳著其異  
於諸職之相副也疏乃謂迎受治職文書義尚未該



餘論王氏應電曰大史非治事之官何以逆邦國官府都鄙之治蓋史臣據事實錄漢郡國上計亦先送大史也

存疑鄭氏康成曰春秋傳天子有日官諸侯有日御日官居卿以底日禮也日御不失日以授百官於朝

賈疏桓十七年左傳

居猶處也言建六典以處六卿之職

賈疏左傳

服注日官日御典歷數者也堯典乃命羲和欽若昊天歷象日月星辰是卿掌歷數帝王異世設官不同周雖以下大夫為之然建邦之六典猶處六卿之職

凡辨灋者攷焉不信者刑之

正義鄭氏康成曰謂邦國官府都鄙以法爭訟來正之者 易氏祓曰考之而是非審然後達之大宰以待廢置誅賞司約職不信者服墨刑 王氏昭禹曰考其辨法所以伸在下之情刑其不信所以杜好辨之源

案冢宰體重而事繁故辨法者使正於大史

凡邦國都鄙及萬民之有約劑者藏焉以貳六官六官

之所登

劑津私反

正義鄭氏康成曰約劑要盟之載辭及券書也

賈疏案司

盟凡邦國有疑會同則掌其盟約之載故知約劑中有要盟之載辭萬民約劑無盟要載辭惟有券書

貳猶副也

賈疏約劑皆副寫一通上於大史藏之

藏灋與約劑之書以

爲六官之副其有後事六官又登焉

案司約所掌惟邦國及萬民之約劑此職增都鄙蓋經界水道工築諸大政役比邑連井並有職焉易生爭鬪都鄙及萬民皆有之故入約劑於司約兼藏於

大史恐其久而抵冒耳若官府之取予則有書契而無約劑喪祭所賒官物則各從其抵不踰時而入於泉府矣安得有約劑疏謂并官府之約劑藏之非也若民間之質劑則自藏之訟而後以質於有地治者惟大約劑乃入於司約

通論易氏被曰藏藏司約之所登也司約職凡大約劑書於宗彝小約劑書於丹圖大亂則六官辟藏是司約以其約劑登於六官又以其副登於大史而大

史以貳六官之所登也

存疑黃氏度曰重出六官二字疑衍

若約劑亂則辟灋不信者刑之

辟旁亦反

正義鄭氏康成曰謂抵冒盟誓者辟法攷案讀其然否 賈氏公彥曰辟開也法即約劑也為之開故府攷案其然否不信者不依約劑 鄭氏鍔曰時移事變久而或亂彼此相疑則大史啟舊藏以示之

正歲年以序事頒之于官府及都鄙

正義鄭氏康成曰中數曰歲朔數曰年

賈疏一年之內有二十四

氣正月立春節雨水申二月啟蟄節春分申三月清明節穀雨中四月立夏節小滿申五月芒種節夏至中六月小暑節大暑申七月立秋節處暑申八月白露節秋分申九月寒露節霜降申十月立冬節小雪申十一月大雪節冬至申十二月小寒節大寒申皆節氣在前中氣在後節氣一名朔氣中氣在晦則後月閏中氣在朔則前月閏節氣有入前月法中氣無入前月法中氣而則為歲朔氣而則為年假令十二月中氣在晦則閏十二月十六日得後正月立春節此即朔數曰年至後年正月一日得雨水申此中氣而即是中數曰歲案注意謂歲年有兩法中氣一而三百六十五日四分日之一稍弱此中數曰歲也朔者十二月朔如六大六小則三百五十四日為一年中數生於日朔數生於日月之會疏指節氣為朔

數非是

中朔大小不齊正之以閏

賈疏月有大小一年三百五十四日而已

餘仍有十一日是以三十三月已後中氣在晦不置閏則中氣入後月故須置閏以補之

案兩氣三十

日有奇一朔二十九日半有奇是中朔大小不齊所謂合氣盈朔虛而閏生者也

若今時作

歷日矣定四時以次序授民時之事春秋傳閏以正

時時以作事事以厚生生民之本於是乎在

賈疏文六年左

傳

賈氏公彥曰造歷正歲年以閏則四時有次序

依歷授民以事故云序事王氏應電曰叙事者若

書之東作西成南訛朔易月令之春而布德秋而明

刑之類頒于官府都鄙則王國之事叙矣又頒于邦國所以一正朔於天下也

頒告朔于邦國

正義鄭氏衆曰頒讀為班布也以十二月朔布告天下諸侯故春秋傳曰不書曰官失之也

賈疏桓十七年左傳

鄭氏康成曰天子頒朔於諸侯諸侯藏之祖廟至朔朝於廟告而受行之

案不曰頒朔而曰頒告朔者並每月所行之政令布



告於臣民也先儒以告於廟為告朔於侯國言之猶

可於頒朔言之則贅矣

春秋閏月不告月猶朝於廟既朝於廟而曰不告月則為

以是月之政令告於臣民審矣

通論賈氏公彥曰論語稱告朔玉藻謂之聽朔春秋謂之視朔視者人君入廟視之告者使有司讀之聽者聽治一月政令所從言之異耳

閏月詔王居門終月

正義鄭氏衆曰月令十二月分在青陽明堂總章玄

堂左右之位惟閏月無所居居於門 鄭氏康成曰

門路寢門也

賈疏案玉藻閏月則闔門左扉立於其中不云居又不云終月此經言居門終

月故知是

路寢門

辨正郝氏敬曰先鄭謂於文王在門謂之閏按堯以閏月正四時帝世無王焉得以王在門為閏

大祭祀與執事卜曰

正義鄭氏康成曰執事大卜之屬與之者當視墨

賈疏

占人職  
史占墨

戒及宿之日與羣執事讀禮書而協事

注故書協作叶杜子春云協也

書亦或為協或為汁

正義鄭氏康成曰協合也合謂習錄所當共之事也

賈氏公彥曰戒謂散齊七日宿謂致齊三日羣執事與祭之官讀禮書而協事恐事有失錯物有不共也

祭之日執書以次常

正義鄭氏康成曰謂校呼之教其所當居之處賈

氏公彥曰祭祀之書若今儀注次位常者令各居所掌位次也

辨事者攷焉不信者誅之

正義鄭氏康成曰謂抵冒其職事 王氏昭禹曰法者上所以制下辨而不信其罪重故刑之事者下所以事上辨而不信其罪輕故誅之誅者以言責之而已 王氏應電曰不知禮者與知禮者爭辨於是乎攷焉而責其不知禮者

大會同朝覲以書協禮事

正義鄭氏康成曰亦先習錄之也

及將幣之日執書以詔王

正義鄭氏康成曰將送也詔王告王以禮事 賈氏

公彥曰朝覲有三享之禮幣謂璧帛之類

案諸侯執玉朝覲時正將幣也將幣可兼三享而不可專以三享為將幣疏說未該詳見大行人及司儀

職

大師抱天時與大師同車

與大師之大音泰

正義鄭氏康成曰鄭司農云大出師則大史主抱式

以知天時處吉凶

賈疏據當時占文謂之式以其見時候有法式也

史官主

知天道故國語曰吾非瞽史焉知天道

賈疏見周語

春秋

傳楚有雲如衆赤鳥夾日以飛楚子使問諸周大史

賈疏哀六年左傳

某謂瞽即大師大師瞽官之長

王氏安

石曰兼抱天時之器

王氏應電曰天時謂時日支

干孤虛王相及星辰變動軍衆用以行止者

案大師聽軍聲必與大史同車者同律之聲必合時  
日以為占武王伐商吹律聽聲推孟冬以至季冬殺  
氣相併而音尚宮是也

大遷國抱灋以前

正義鄭氏康成曰法司空營國之法也抱之以前當  
先王至知諸位處

大喪執灋以泣勸防

正義鄭氏衆曰勸防引六紼 易氏祓曰法者六引

六紼之法 王氏昭禹曰喪祝掌大喪勸防之事大史執法以泣之

遣之日讀誄

遣棄戰反

正義鄭氏康成曰遣謂祖廟之庭大奠將行時也入之道終於此累其行而讀之大師又率瞽獻之而作

謚瞽史知天道使共其事言王之誄謚成於天道

賈疏

曾子問惟天子稱天以誄之注引公羊傳制謚於南郊是王之謚成於天道也若然先於南郊制誄乃於遣之日讀之 賈氏公彥曰未葬以前孝子不忍異葬後則稱謚



於生仍以生禮事之至葬送形而往迎魂而返則以鬼事之故遣之日讀誄 王氏應電曰既諡而必讀於匱者一則質諸死者而無憾一則示生時所行死而不可掩使人知所勸戒也

### 凡喪事攷焉

正義鄭氏康成曰為有得失

### 小喪賜諡

正義鄭氏康成曰小喪卿大夫也

存疑黃氏度曰小喪王子弟之喪注謂卿大夫非也卿大夫賜諡讀誄小史掌之

案小喪大史主賜諡當賜諡時則小史讀誄非二事也傳云公子之重視大夫則王子弟與卿大夫適相等

凡射事節中舍算執其禮事

舍音釋

正義鄭氏康成曰舍讀曰釋鄭司農云中所以盛算也某謂設算於中以待射時取之中則釋之

賈疏案鄉射大

射算皆於中西設八算於中內耦升將射大史取中之八算執之待射中釋算則更實八算於中待第二耦射第三耦鄉射記君國中射則皮豎中於郊則閭已下皆然

中

案閭獸名

於竟則虎中大夫兕中士鹿中

賈疏國中射則皮豎中者

謂燕禮在寢則以皮豎獸形為中於郊謂大學之射於竟謂與鄰國君射也大夫士各一中故大夫以兕為中士以鹿為中天子之中未聞賈氏公彥曰飾中謂飾

治使潔舍算者射有三番第一番三耦射不釋算第二第三番射乃釋算也鄭氏鏐曰大史職當記注故釋算以記其中之數也禮事凡射時之升降威儀

皆是

案大史之職自建典以外皆國之大事而天官家之術數則使有司治之有馮相氏攷歷象以正歲時有保章氏察妖祥以占時變大史不過攬其綱維辨其差忒而已惟聽軍聲以知吉凶誅南郊以垂法戒則天道人事之精微而難辨顯著而難欺者大史身任之蓋古非有道有德者不居是職故曾氏鞏謂唐虞之世史臣皆聖賢之徒雖至周衰見於傳記者猶多

侗儻非常之人則知周公設官以下大夫而所掌皆與六卿相可否之事所以維持世教之意深矣

小史掌邦國之志奠繫世辨昭穆若有事則詔王之忌

諱

奠如字一音定繫戶計反

正義鄭氏衆曰志謂記也繫世謂帝繫世本之屬是也小史主定之瞽瞍諷誦之

賈疏瞽瞍掌誦誦詩世奠繫鼓琴瑟

先王

死日為忌名為諱 賈氏公彥曰帝繫世本皆有昭穆親疏故須辨之 王氏安石曰父子相代謂之世

世之所出謂之繫纂繫世以知其本所出辨昭穆以知其世序也

辨正鄭氏鏐曰小史掌邦國之志先鄭謂若春秋傳所稱周志國語所稱鄭書之類外史掌四方之志後鄭謂若魯之春秋晉之乘楚之檮杌之類則邦國與四方無以異而分掌於二官何耶蓋周志鄭書乃外史所謂四方之志若邦國之志則志諸侯所出之繫與其廟祧昭穆如魯出於周公鄭出於桓公傳序浸

多昭穆久而或亂故王朝亦有志以記而小史掌之也

存疑鄭氏康成曰王有事祈祭於其廟 賈氏公彥曰若有事者謂在廟中有祈祭之事詔王之忌諱謂小史告王以先王之忌諱也

案注疏專以有事宗廟言尚未盡古者大夫歿君不舉其名王時巡舍於諸侯之祖廟亦當有忌諱記所謂以禮籍入正小史之事也

大祭祀讀禮灋史以書叙昭穆之俎簋

正義鄭氏康成曰俎簋牲與黍稷以書次之校比之

賈氏公彥曰云叙昭穆之俎簋則大祭祀惟謂宗

廟也三年一祫之時尸主非一兼叙昭穆俎簋

案時祭亦

有祫但不兼  
毀廟主耳

案大史與羣執事讀禮法而主讀者小史也於大史  
曰禮書以書協事也此曰禮法則事與書兼之矣史  
小史之屬史也舊說大史讀禮法時小史以書叙俎



纂則經何不直書小史以明之而第曰史乎

如四方之事書

內史讀之內史掌書王命遂貳之之類

大喪大賓客大會同大軍旅佐大史凡國事之用禮灋者掌其小事

正義賈氏公彥曰數事皆大史掌之小史佐之

卿大夫之喪賜諡讀誄

正義鄭氏康成曰其讀誄亦以大史賜諡為節事相成也

馮相氏掌十有二歲十有二月十有二辰十日二十有

八星之位辨其叙事以會天位

馮音憑相息亮反有音又會如字

正義鄭氏康成曰歲謂太歲歲星與日同次之月斗

所建之辰

鄭氏鍔曰斗柄月移一舍正月為陬二月為如三月為病四月為余五月為皋六月

為且七月為相八月為壯九月為玄十月為陽十一月為辜十二月為涂是為十二月之位樂說

說歲星與日常應太歲月建以見然則今歷太歲非

此也

賈疏太歲在地與天上歲星相應而行歲星為陽右行於天一歲移一辰又分前辰為一百四

十四分而侵一分則一百四十四年跳一辰十二歲一小周一年移一辰故也千七百二十八年一大周

十二跳币故也太歲左行於地與歲星跳辰年數同服虔注春秋龍度天門蓋以歲星本在東方謂之龍以辰為天門故以歲星跳辰為龍度天門也云歲星與日同次之月斗所建之辰者以歲星為陽人之所見太歲為陰人所不覩雖右行左行不同要行度不異故舉歲星以表太歲言歲星與日同次之月一年之中惟於一辰之上為法若元年甲子十一月朔旦冬至日月五星俱赴於牽牛之初是歲星與日同次之月十一月斗建子子有太歲至明年歲星移向子上十二月日月會於玄枵斗建丑丑有太歲自此已後皆然

歲日月辰星宿之位謂方面所在

賈疏此五物皆依四面十

二辰辨其序事謂若仲春辨秩東作仲夏辨秩南訛而見

仲秋辨秩西成仲冬辨在朔易

賈疏尚書皆作平秩今云辨秩據書傳

會天位者合此歲日月辰星宿五者以為時事之候  
若今歷日太歲在某月某日某甲朔日直某也國語

王合位於三五蓋由此術云

賈疏國語云王合位於三五者謂武王伐紂之

時歲在鶉火月在天駟日在析木之津辰在斗柄星在天元引之者證經五者各於其位

賈氏

公彥曰十有二歲謂太歲左行於地十二辰一歲移  
一辰也十有二月謂斗柄月建一辰十二月而周也  
十有二辰謂子丑寅卯等十日謂甲乙丙丁等二十  
八星謂東方角亢氐房心尾箕北方斗牛等也指星

體而言謂之星日月會於其星即名宿亦名辰亦名

次

案爾雅十干為歲陽十二支為歲陰天官書歲陰在寅歲星居丑索隱以為太歲在寅則太歲即歲

陰歲陰即地支疏所謂行於地者謂地支也

位者總五者皆有位處也

通論王氏詳說曰在天有歲星在地有太歲歲星右行太歲左行在斗曰星紀女曰玄枵危曰姬訾奎曰降婁胃曰大梁畢曰實沈井曰鶉首柳曰鶉火軫曰鶉尾氏曰壽星心曰大火箕曰析木此所謂歲星右行也在寅曰攝提格卯曰單閼辰曰執徐巳曰大荒

落午曰敦牂未曰協洽申曰涒灘酉曰作噩戌曰閹  
茂亥曰大淵獻子曰困敦丑曰赤奮若此所謂太歲  
左行也左行者自東而南而西而北右行者自北而  
西而南而東日之行右轉月之建左旋是也天道左  
旋而經星從之日體右轉而歲星從之

案大歲十二年一周木星行天亦十二年一周有似  
太歲故名歲星是歲星因大歲而得名而大歲究無  
與於歲星也此節掌十有二歲專屬大歲後保章氏

以十有二歲之相專言歲星舊說多未分明

冬夏致日春秋致月以辨四時之叙

正義鄭氏康成曰冬至日在牽牛景丈三尺夏至日

在東井景尺五寸

賈疏大司徒職曰至之景尺有五寸謂之地中從夏至後差之至冬

至得丈三尺景又按天文志春分日在婁而此長短

晷中立八尺之表而晷景長七尺三寸六分

左傳申豐辭

之極極則氣至冬無憊陽夏無伏陰

賈疏昭四年春

分日在婁秋分日在角而月弦於牽牛東井

賈疏春分日在

婁月上弦在東井圓於角下弦於牽牛秋分日在角

月上弦於牽牛圓於婁下弦於東井故注并言月弦

欽定周官義疏

於牽牛東井不言  
圓望義可知也

亦以其景知氣至不春秋冬夏氣

皆至則是四時之叙正矣

通論陸氏佃曰黃道北至東井南至牽牛東至角西  
至婁夏至日在東井而北近極星則晷短表景尺五  
寸冬至日在牽牛而南遠極星則晷長表景丈三尺  
春分日在婁秋分日在角而中於極星則晷長短中  
表景七尺三寸日陽也陽用事則日進而北晝進而  
長陽勝故為溫為暑陰用事則日退而南晝退而短



陰勝故為涼為寒月之九行在東西南北有青白赤黑道各二而出於黃道之旁立春春分月東循青道而春分上弦在東并立秋秋分月西循白道而秋分上弦在牽牛立冬冬至北旋黑道立夏夏至南從赤道古之致月不在二至而常在二分不在二分之望而常在弦者以月入八日與不盡八日得陰陽之正平故也

案致日致月即虞書敬致之義也日行出入於赤道

有北至南至之殊月行出入於黃道有陰歷陽歷之分夫冬夏致日注義盡之矣而致月必於春秋者蓋春秋二分當黃赤二道之交此時測月之弦望可得陰陽歷之真度而氣之至不至可知矣

保章氏掌天星以志星辰日月之變動以觀天下之遷  
辨其吉凶

正義鄭氏康成曰志古文識識記也星謂五星

賈疏東方

歲南方熒惑西方大白北方辰中央鎮星

辰日月所會

賈疏左傳士文伯對晉侯之辭

五

星有羸縮圜角

賈疏羸縮者天文志歲星所在其國不可以伐超舍而前出曰羸羸為客

晚出為縮縮為主入故人有言曰天下太平五星循度亡有逆行日不蝕朔月不蝕望圜角者星備云五星更王相休廢其色不同王則光芒相則內實休則光芒無角不動搖廢則少光色又云立春歲星王七十二日其色有白光角芒土王三月十八日其色黃而大休則圓廢則內虛立夏熒惑王七十二日其色赤角黃土王六月十八日其色黃而大立秋大白王七十二日光芒無角土王九月十八日其色黃而大立冬辰星王七十二日其色白芒角土王十二月十八日其色黃而大星當王相不芒角其邦大弱強國削地大弱失國亡土也案五星行有定度決不能有關而無逆至日不蝕朔月不蝕望乃推步之疏非關與否日有薄食暈珥月有盈虧朏側匿之變賈疏尚

傳晦而月見西方謂之朏朔而月見東方謂之側匿  
側匿則侯王其肅肫則侯王其舒案此亦推步之

疏晦朔

七者右行列舍天下禍福變移所在皆見焉

賈疏謂日月五星皆右行於天留順伏逆以見吉凶  
經言辰注直釋辰名不解辰之禍福者辰與二十八  
星隨天左行非所以見吉凶也易氏被曰志日月星辰之變動而

獨言掌天星者步占之法以星為主以天象言則為  
變動以人事言則為遷兩者相參斯辨吉凶矣王  
氏應電曰天星者經星也占候以經星為體而七政  
流行雲物變見於是占之故曰掌天星也

案天星當兼經星緯星而言如恒星不見或動搖五星有陵犯或失行此其變動也日月之變動謂食暈摩盪之類舊說俱未該史記五星無出而不反逆行則逆亦常也月之盈虧朏側匿本非失度則漢時尚未有知其法者志星辰日月之變動察天象之咎徵也觀天下之遷考人事之轉移也必參以人事然後吉凶可判

如熒惑守心退度之類

先星辰於日月者所掌天

星也致日致月者馮相氏掌十輝之法者臧祿而保

章氏兼掌其變動何也凡日月之變動必以所歷分星之度為占

通論賈氏公彥曰馮相氏掌日月星辰常度此官掌日月星辰變動與常不同以見吉凶之事

存疑黃氏度曰遷猶變也變則其占不可常梓慎占孛曰夏數得天火作宋衛陳鄭當之占歲曰歲在星紀而淫於亥枵蛇乘龍宋鄭必饑裨竈云歲棄其次而旅於明年之次以害鳥帑周楚惡之星孛於大辰

而占在宋衛陳鄭失次在星紀而占在宋鄭周楚是皆所謂遷也其後崔浩占熒惑亦曰星亡必以庚辛秦也是當入秦此猶得古人遺法

以星土辨九州之地所封封域皆有分星以觀妖祥

分奉

運反

正義鄭氏康成曰星土星所主土也封猶界也鄭司

農云春秋傳參為晉星商主大火

賈疏案昭元年左傳子產云辰為商

星參為晉星又襄九年左傳辰為商主大火

國語歲之所在則我周之分

野之屬是也某謂大界則曰九州州中諸國之封域  
於星亦有分焉其書亡矣堪輿雖有郡國所入度非  
古數也今其存可言者十二次之分也星紀吳越也  
玄枵齊也娵訾衛也降婁魯也大梁趙也實沈晉也  
鶉首秦也鶉火周也鶉尾楚也壽星鄭也大火宋也  
析木燕也賈疏吳越在南齊魯在東歲星或北或西不依國地所在者此古之受封之月歲星所在之辰  
此分野之妖祥主用客星彗孛之氣為象  
屬焉耳

賈疏昭十七年冬有星孛於大辰公羊傳孛者何彗  
星也何休注孛者邪亂之氣埽故置新之象左傳



申繡曰彗所以除舊布新如是彗孛一也言客星者彗非位奔實而入他辰者也案客星如天官書所載國皇昭明之類非彗之奔實而入他辰者觀注先言客星而後言彗孛可見

通論孔氏穎達曰諸侯祭其分野之星在地之土各有天上之分見於春秋傳者云商主大火參為晉星龍宋鄭之星則蒼龍之方有宋鄭之分也以害鳥帑楚周惡之則朱鳥之方有周楚之分也四月日食魯衛惡之則春分之日在魯衛之分也歲在顓帝之虛姜任實守其地則於時歲星在齊薛之分也越得歲

而吳伐之凶則於時歲星在吳越之分也晉語實沈之虛晉人是居周語歲在鶉火我有周之分野以九州當十二次周禮雖云皆有分星不知其始誰實分之星紀在於東北吳越實在東南魯衛東方諸侯遙屬戌亥之次又三家分晉方始有趙而韓魏無分趙獨有之漢書地理志分郡國以配諸次其地分或多或少鶉首極多鶉火甚狹徒以相傳為說其源不可得而聞也易氏被曰考之傳記災祥所應多不誣

者然亦有可疑焉武王伐殷歲在鶉火伶州鳩曰歲之所在我有周之分野蓋指鶉火為西周豐岐之地今乃以當洛陽之東周周平王以豐岐之地賜秦襄公而其分星乃謂之鶉首如燕在北而配以東方之析木魯在東而配以西方之降婁秦居西北而鶉首次於西南吳越居東南而星紀次於東北此皆稽之分野有不合者賈氏以古者受封之月歲星所在之辰以為分次則春秋戰國之諸侯以之占妖祥可也

後世占分野而妖祥亦應豈皆古者受封之辰乎

存疑賈氏公彥曰此論北斗及二十八宿所主九州及諸國封域之妖祥所在之事故云以星土也辨九州之地據北斗而言所封封域據二十八星而言皆有分星總解九州諸國也又按春秋緯文耀鉤云布度定記分州繫象華岐以西龍門積石至三危之野雍州屬魁星大行以東至碣石王屋砥柱冀州屬樞星三河雷澤東至海岱以北兗州青州屬機星蒙山

以東至南江會稽震澤徐州揚州屬權星大別以東  
至雷澤九江荊州屬衡星荆山西南至岷山北嶇鳥  
鼠梁州屬開星外方熊耳至泗水陪尾豫州屬搖星  
此九州屬北斗星有七州有九但兗青徐揚并屬二  
州故七星主九州也周之九州差之義亦可知 漢  
書天文志角亢氐兗州房心豫州尾箕幽州斗江湖  
牛女揚州虛危青州室壁并州奎婁胃徐州昴畢冀  
州觜參益州井鬼雍州柳星張三河翼軫荊州

以十有二歲之相觀天下之妖祥

相息亮反

正義鄭氏鍔曰歲星光明潤澤赤而角則其國昌赤黃而沈其野大穰故以其色相觀妖祥 王氏昭禹曰占其見之相有逆順盈縮伏見進退之不同而妖祥著於天下矣分星經星也故有所主之封域歲星緯星也無常主故以其相觀天下之妖祥

存疑鄭氏康成曰歲謂太歲

賈疏上已說五星訖以文次而推知非歲星乃

在地之太歲也

歲星與日同次之月斗所建之辰也歲星為

陽右行於天大歲為陰左行於地十二歲而小周其

妖祥之占甘氏歲星經其遺象也鄭司農云太歲所

在歲星所居

賈疏太歲所在亦是斗所建之辰下有太歲也歲星所居亦是歲星與日同次

也之月

春秋傳越得歲而吳伐之必受其凶之屬是也

賈疏昭三十二年左傳史墨語服注龍歲星也東方宿天德之貴神其在所之國必昌向之以兵則凶吳越同次吳先舉兵故凶

辨正易氏被曰先鄭以歲為太歲後鄭謂太歲所在

歲星所居二者並行不悖然春秋所述妖祥則皆歲

星也襄二十八年歲在星紀而淫於玄枵是謂蛇乘  
龍梓慎言其所屬以為宋鄭必饑裨竈言其所衝以  
為周楚所惡非歲星乖次之所應乎昭三十二年歲  
在星紀而吳伐越史墨以為不及四十年越其有吳  
以歲星十二年而一周存亡之數不過三紀非歲星  
順次之所應乎保章氏言十二歲之相相有贏縮暈  
角之變而妖祥應豈太歲可以並言哉  
以五雲之物辨吉凶水旱降豐荒之祲象



正義鄭氏康成曰物色也視日旁雲氣之色

賈疏眡祲職所

眡皆日旁雲氣之色此亦云祲象故注云然  
案雲物隨所見而占之不必指定日旁

鄭氏

衆曰以二至二分觀雲氣青為蟲白為喪赤為兵荒

黑為水黃為豐故春秋傳曰凡分至啓閉必書雲物

為備故也

賈疏僖五年左傳

故曰凡此五物以詔救政王

氏昭禹曰氣謂之祲形謂之象降者下之於其國使  
民知之先事而為之備也

以十有二風察天地之和命乖別之妖祥

正義鄭氏康成曰十有二辰皆有風吹其律以知和

不其道亡矣春秋襄十八年楚師伐鄭師曠曰吾驟

歌北風又歌南風

賈疏服注北風無射夾鍾以北南風姑洗以南

南風不競

多死聲楚必無功是時楚師多凍其命乖別審矣

案經

言風指天地之風若律所吹之風則屬樂官然亦與天地之氣應知音者能辨之

賈氏公

彥曰案考異郵曰陽立於五極於九五九四十五且變以陰合陽故八卦主八風相距各四十五日艮為條風震為明庶風巽為清明風離為景風坤為涼風

兌為閭闔風乾為不周風坎為廣莫風清明立夏皆

云清明風是清明風主三月復主四月則四維之風

主兩月可知

王氏昭禹曰艮為條風而立春亦曰條風巽為清明風而立夏亦曰清明風坤

為涼風而立秋亦曰涼風乾為不周風而立冬亦曰不周風

王氏安石曰命謂

名言之鄭氏鍔曰不和為乖不應為別

案日月星辰居常而有變動則天下之大異也星土之妖祥占在一國歲之相占在一歲五雲之物占在一時十有二風月可占蓋以大小久近為次

凡此五物者以詔救政訪序事

正義鄭氏康成曰訪謀也見其象則當預為之備以詔王救其政且謀今年天時占象所宜次序其事

王氏安石曰詔以詔上訪以訪下救政凶荒之政序

事救政之事所當緩急先後

案救政不惟凶荒有之

案春秋傳梁山崩晉侯召伯宗伯宗問於重人而得其禮所謂訪序事

內史掌王之八枋之灋以詔王治一曰爵二曰祿三曰

廢四曰置五曰殺六曰生七曰予八曰奪

枋本又作柄  
邦命反治直

吏反  
下同

正義鄭氏康成曰大宰既以詔王內史又居中貳之  
賈氏公彥曰大宰有誅無殺此有殺無誅者誅與  
殺相因欲見過不止則殺之八者不與大宰次第同  
者事起無常故不依本也

案大宰內史所掌八柄其次第各異何也大宰職先  
吉而後凶此則各以兩者相對為次也爵祿之後繼

以廢置用舍明而後天位天祿無曠也廢置之後繼以生殺予奪賞罰行而後所廢所置競勸也先生殺而後予奪者輕重之倫也此八柄自然之次第也大宰所詔無殺者殺者不得已而用之大宰不可輕言也然云誅則亦該此矣內史掌其灋則務詳其實故直言殺也大宰詔王而內史詔王治則大宰必攷諸內史之灋以詔王而內史之兼詔大宰亦可見矣

唐宋以後有制詔已降而宰相封還辭頭者此正冢

宰之本職也有天子宰相成謀而給事中封駁者此  
正內史之本職也蓋古法盪盡一二人偶徧行之故  
衆以為奇史書其事然下能言上能聽者不過千百  
之十一耳周公列此為典法使為人君者皆知為政  
體之固然而坦乎不疑為人臣者各知為職守所當  
然而無與分過也

執國灋及國令之貳以攷政事以逆會計

會古  
外反

正義鄭氏康成曰國法六典八法八則 鄭氏鶚曰

法者一定之法令者一時之令內史皆執其貳與大  
宰司會相參稽 王氏昭禹曰上以道制之而下守  
之則為法上以命使之而下稟之則為令

掌叙事之灋受納訪以詔王聽治

正義鄭氏康成曰納訪納謀於王也 王氏昭禹曰  
納謂納言於上若書所謂納言是也訪謂訪事於下  
若書所謂王訪于箕子是也

存疑鄭氏康成曰叙六叙也六叙六曰以叙聽其情



案內史掌納訪而宰夫大僕御僕各掌復逆其職之  
所以辨者何也諸職所謂逆即群下所納之言也所  
謂復即王所訪之事也大僕御僕分掌之以達於王  
內史受之以察其當否然後以詔王治所治之事下  
於宰夫則使羣吏奉行之官事非聯而實相首尾其  
不關於冢宰何也凡治皆冢宰所贊則內史所詔王  
必與冢宰參決可知矣注謂叙事即小宰之六叙非  
也小宰以叙聽其情乃羣吏自以其情告於小宰此

所謂叙事之法則所納訪之事有大小緩急隨事斟酌次第發命無一定之叙故不曰叙事而曰叙事之灋也經於事之有定者皆直言叙事樂師凡樂掌其叙事饗食諸侯叙其樂事大胥叙宮中之事是也凡命諸侯及孤卿大夫則策命之

正義鄭氏衆曰春秋傳王命內史興父策命晉侯為侯伯其文曰王謂叔父敬服王命以綏四國糾逖王慝晉侯三辭從命受策以出

賈疏僖二十八年左傳

策謂以簡

策書王命 賈氏公彥曰周灋爵及士亦內史命之  
不言者略之也

案不及士者豈士卑且衆王不能一一親命或命而  
不以策與詩曰韓侯受命王親命之則命有不親者  
矣王氏與之謂大夫出封加命為子男故得策命不  
知大夫四命受器自宜策命非以出封故也

凡四方之事書內史讀之

正義鄭氏康成曰若今尚書入省事

賈疏漢灋奏事  
讀之故舉以為

況

賈氏公彥曰諸侯有書奏白於王內史讀示王案不曰讀四方之事書而曰凡四方之事書內史讀之者曰讀四方之事書則似內史自讀之曰凡四方之事書內史讀之則知內史之讀為王之聽之矣

王制祿則贊為之以方出之賞賜亦如之

正義鄭氏康成曰贊為之為之辭也王制王之三公視公侯卿視伯大夫視子男元士視附庸鄭氏衆曰以方出之以方版書而出之王氏應電曰制祿

者司祿內史則主贊之賞賜大則司勳之賞地小則  
玉府內府之好賜賜予是也

### 內史掌書王命遂貳之

正義鄭氏康成曰副寫藏之

賈疏王有詔敕則副寫一通藏之以待勘校也

案覆舉內史見親其事而非付之屬史也

小史職大祭祀讀禮

法史以書叙昭穆之俎簋則其屬史

王之命內史親受而書之且貳之

則矯假以為不信者孰敢萌其慮哉漢唐以後中使  
口銜天憲以亂國常則內史之職失耳

外史掌書外令

正義鄭氏康成曰王令下畿外

賈疏凡言四方及外者據畿外而言

王氏應電曰令下於諸侯若徵守起軍旅也

案命乃王所黜陟因革政事之大者令則發徵期會  
禁戒政事之小者

掌四方之志

正義鄭氏康成曰志記也謂若魯之春秋晉之乘楚  
之檮杌鄭氏鍔曰四方之志若齊語魯語晉志鄭

志之類 劉氏彝曰四方之志謂九州列國四海百  
蠻世系之所自出分封之所由始朝貢之斷續政教  
之從違禮樂之更革俗尚之醜好若土均土訓誦訓  
之所職皆為志以藏之以待王之顧問

掌三皇五帝之書

正義鄭氏康成曰左傳所謂三墳五典

賈疏昭十二年左傳楚靈

王謂左史倚相能讀三墳五典八索九丘 孔氏安國曰伏羲神農黃帝之書謂之三墳少昊顓頊高辛唐虞之書 謂之五典

賈氏公彥曰三皇時無文有文字後仰

錄三皇時事也

存疑賈氏公彥曰世本蒼頡造文字蒼頡黃帝之史則文字始於黃帝李氏嘉會曰夏殷周所紀兼掌可知

掌達書名於四方

正義鄭氏康成曰謂若堯典禹貢達此名使知之或

曰古曰名今曰字

賈疏古者文字少直曰名後代文字多則曰字字者滋也

使四

方知書之文字得能讀之賈氏公彥曰聘禮記百



名以上書之於策不及百名書之於方 王氏安石  
曰書名者字也字所以正名百物故謂之名

通論鄭氏鏐曰四方言語不同上世音讀與後世亦  
異欲使天下誦讀無東西南北之訛無古今之異則  
書名不可以不達大行人九歲諭書名蓋外史達之  
九歲之久慮其不一又使行人往諭之

若以書使于四方則書其令

使所  
吏反

正義鄭氏康成曰書王令以授使者 王氏昭禹曰

以外史掌外令故也

案凡聘覲之常不皆有書或命以事或有所訪詰而後有書故書其令使後有攷也不覆舉外史此令輕異於王命之必內史親書也不貳之亦以所令輕也虎賁職奉書以使於四方

御史掌邦國都鄙及萬民之治令以贊冢宰

正義鄭氏康成曰王所以治之令冢宰掌王治王氏昭禹曰治則六宰主之其令則御史掌之故以贊

冢宰為職

案治令之出冢宰贊王復設御史以贊冢宰惟恐有偏側缺失得以補察也以禮官之屬贊治官者六典八法八則大史與冢宰共建之惟御史習其儀法察其義類又王之治法史必書之也

辨正王氏志長曰魏氏校以後世御史專主諫諍以居於王所可繩愆糾繆按之經文殊無此義古者師箴朦誦百工諫士傳言庶人謗無人不作其敢言之

氣而天子亦莫不虛已受之又何事專立一官冢宰兼總六官贊王治御史為天子近臣凡治者受法令焉則一切張弛操縱皆得與議所以為贊冢宰也凡治者受灋令焉

正義鄭氏康成曰為書寫其治之法令來受則授之賈氏公彥曰凡外內官所有治職皆御史書王之法令以授之

案凡王之治令及冢宰所掌成法施於邦國都鄙萬

民者皆御史布之故凡治者受焉

掌贊書


正義鄭氏康成曰王有命當以書致之則贊為辭若  
今尚書作詔文

案五官法令其長得自布書之者各官之史耳惟治  
令必稟於王然後下於六官萬民邦國故御史贊書  
贊書謂書凡治者所受之法令也故置員多其史  
至百有二十人

凡數從政者

數所主反

正義鄭氏康成曰自公卿以下至胥徒凡數及其見在空缺者鄭氏鐸曰數則以小數計之凡則以總數計之知其凡數則官之冗省可知



欽定周官義疏卷二十六